

Hwangdbs: Pendapatan Bank-bank Malaysia Dijangka Berkembang 7 Peratus Tahun Ini
Bernama
5 Mac, 2012

KUALA LUMPUR, 5 Mac (Bernama) -- Pendapatan bank-bank Malaysia dijangka berkembang tujuh peratus tahun ini, disokong oleh pendapatan bukan faedah dan peruntukan yang stabil, kata HwangDBS Vickers Research.

Firma penyelidikan itu dalam satu nota penyelidikan Isnin berkata pertumbuhan itu juga didasarkan kepada pertumbuhan pesat pinjaman pada 13 peratus dan penguncupan margin faedah bersih tiga masa asas.

"Kami mengambil kira pertumbuhan pendapatan bukan faedah sebanyak sembilan peratus bagi 2012, tetapi peningkatan pantas projek-projek program transformasi ekonomi boleh meningkatkan pertumbuhan.

"Mengambil tahun 2008-09 sebagai petunjuk, meskipun bank-bank menjadi amat berhati-hati, kami tidak melihat sebarang risiko pinjaman tidak berbayar utama," kata firma itu.

"Sensitiviti kami bagi 2012 menunjukkan bagi setiap penurunan 25 mata asas dalam kadar dasar akan mengurangkan pendapatan bank-bank sebanyak 4 peratus, pemboleh ubah lain kekal tidak berubah," kata firma itu.

---BERNAMA

Hakcipta © 2012 BERNAMA

Source:<http://www.bernama.com/bernama/v6/bm/newsindex.php?id=649963>